

San Pablo Tesalónica vũ'ejoopo pa'inare charo chũ'o tocha saosi'ea'me

Chũ'o saosi'ea'me

¹ Chũ'u, Pablo, Silana'me Timoteo ie chũ'o tocha saomũ mũsanũkonare, Tesalónica vũ'ejoopo pa'inare, Dios mai Ja'kũna'me Maire Paaku'te Jesucristo'te cuasakuanupũ'te. Ũcuauji mũsanũkona rekoñoã re'oja'che pa'iche'te cho'okaiũna re'oja'che pa'ijũ'u.

Tesalónica pa'ina re'oja'che cho'o ñoñe'te kuamũ

² Mũsanũkonani ũcuaukore cuasaju pojojũ Dioni si'arũmũ, "Re'orepamũ, Ja'ku", chiijũ sēekaijũ pa'inaa'me chũkũna. ³ Jã'aja'ñe i'kaju Mai Ja'ku Diore cuhama'ñe ija'che sēenaa'me chũkũna:

—Ja'ku, repaña Tesalónica pa'ina mũ'ure cuasanajejũ re'oja'chechi'a cho'onaa'me. Pãi oijũ chekũnare rũa re'oja'che cho'okainaa'me repaña. Ũcuachi'a mũ'u chũ'o cuasache jo'kasoma'ñe ũcua cuasaju, repañare mũ'u pa'icheja sajachere pojojũ cha'aju pa'ime —Jã'aja'ñe Diore sēejũ pa'inaa'me chũkũna.

⁴ Chũkũna majapãijana, Dios mũsanũkonare oiũ chēa paache masime chũkũna.

⁵ Mũsanũkona pa'icheja pa'irũmũ chũkũna Jesucristo'te cuasache kuachũ'o chũ'varũmũ chũ'ochi'a peoche i'kamanesinaa'me. Diopi

Ūcuau Rekochoji cho'okaiuna Repau chu'ore masi kuajuna asa chēa, “Ie chu'o ūcuarepaa'me”, chini teana asa chēasinaa'me musanukona. Jā'aja'ñe cho'o, chukuna musanukonare Dioni cuasaja'ju chini re'oja'che cho'okaiche masime musanukona.

⁶ Dios Rekochoji cho'okaiuna Ūcuau chu'ore pojojū asa chēa pa'ijū rua cu'ache cho'ocojñonata'ni chukuna pa'iche'te ña chēa Maire Paaku pa'icheja'che pa'inajeju re'oja'che pa'inaa'me musanukona.

⁷ Jā'aja'ñe pa'ijū chekunare Diore cuasanare re'oja'che pa'ijū ñonaa'me musanukona. Musanukona pa'icheja Macedonia cheja pa'inare, icheja Acaya cheja pa'inare ūcuachi'a re'oja'che pa'ijū ñonaa'me musanukona.

⁸⁻⁹ Musanukona re'oja'che pa'ijū Diore masi cuasaja' Maire Paaku chu'o musanukona chu'vache Macedoniana'me Acaya cheja pa'inachi'a masima'me. Chekuchejña pa'ina peore masime musanukona pa'iche. Masinajeju chukunapi musanukona pa'iche'te kuato, ija'che i'kanaa'me repaña: “Tsalónika pa'ina Dioni masi cuasaja' re'oja'che pa'iche asanajeju masinaa'me chukuna”, chiinaa'me. “Pablo, Silana'me Timoteo sani ñajuna repacheja pa'ina ña pojoasome repañare. Repaña chu'vasi'e Dios chu'o asa chēa repacheja pa'ina te'ena aperumū rupū tšosiva'nare, 'Dioa'mū ikū', chiijū pojojū pa'isina jo'kaso, churata'ni Diorepauni Si'arumū Pa'ikuni cuasaja' jovo Repau chi'iche'te cho'okaiju pa'ijūasome. ¹⁰ Ūcuachi'a Dios Mamaku'te Jesure cūnaumūpi caje pa'iu jūniso

tãcojñouna Dios Vasosi'kuni cha'aju pa'ijuasome repana, Repau'te cuasanarechi'a vati toa saiche Ñsejauni", chiinaa'me repana.

2

Pablo Tesalónica vñ'ejoopo pa'irumũ cho'osi'ere kũamũ

¹ Asarepajũ'ũ, chũ'ũ majapãijana. Chũkũnari mũsanũkona pa'ichejare sani pa'ijũ Dios chũ'ore chũ'vajũna asa chẽa Jesure jovosinajejũ chũkũna chũ'yate'emanesi'e masime mũsanũkona.

² Ñcuachi'a aperũmũ chũkũna Filipos vñ'ejoopo sani pa'ijũ repajoopo pa'inare rũa cu'ache cutucojñojũ cu'ache cho'ocojñosi'e asasinaa'me mũsanũkona. Jã'ata'ni Diopi cho'okaiũna Jesucristo'te cuasache kũachũ'o chũ'vavajũchũma'ñe mũsanũkona pa'icheja sani ñcua chũ'vasinaa'me chũkũna mũsanũkonare.

³ Reparũmũ chũkũna vajũchũjũ cu'ache cuasajũ tĩĩne che'choma'ñe rũhiñe chũ'vasinaa'me mũsanũkonare. Ñcuachi'a te'eũ'terejẽ'e cacũ'oche cuasama'ñe chũ'o ñcuarepare che'chosinaa'me chũkũna mũsanũkonare.

⁴ Dios chũkũna'te Ñcuau chũ'ore Jesucristo'te cuasache kũachũ'ore pãire chũ'vajũ paapu chini jo'kasi'kũamũ. Jã'ata'ni pãipi chũkũnani pojoa'jũ chini chũ'vamanyaa'me chũkũna. Mai rekoñoã pa'iche Ñakũji Diopi pojoa'kũ chini chũ'vanaa'me chũkũna.

⁵ Ie masime mũsanũkona: Diopi ñakũna chũkũna Jesucristo'te cuasache kũachũ'ore chũ'vajũ jorejũ põsena'me kuri kooñũ chini chũ'vamanesinaa'me. Ñcuachi'a pãipi

chukunani chiapu chini chu'vamanesi'ea'me.
 6 Chukuna Jesús saosinajeju chũ'ure'onata'ni,
 “Ña kukujũ'u chukuna'te”, chiju
 chũ'umanaa'me musanukonare, chekunare
 ũcuachi'a. 7 Jã'aja'ñe i'kama'ñe pe'keru pa'iju
 che'chosinaa'me chukuna musanukonare.
 Vijachiire puka'ko kuirako jojacheja'che
 cho'okaiju pa'isinaa'me chukuna musanukonare.
 8 Jã'aja'ñe cho'ojũ musanukonare oinajeju
 re'oja'che pa'iju Dios chu'o chu'vasinaa'me
 chukuna. Ũcuachi'a musanukonare cuasaju
 che'chesosinajeju cheke chukuna'te peore
 cho'ore'ochetu'ka re'oja'che cho'okaisinaa'me
 chukuna.

9 Chu'u cuasana, ¿Chukuna cho'osi'e
 cuasama'ñe musanukona? Musanukona
 pa'icheja sani pa'iju Diopi chũ'uuna Jesure
 cuasache kuachu'o chu'varũmu musanukonare
 rua oinajeju te'eu'terejẽ'e karache'te cho'ocuheju
 ãujẽ'e sẽema'ñe pa'iju umucujñana'me
 ñami cho'oche cho'ojũ pa'isinaa'me, chukuna
 chiimajñarũãre kooñu chini. 10 Ũcuaja'che
 chukuna musanukonare jmamakarujẽ'e cu'ache
 cho'oma'ñe re'oja'chechi'a cho'osi'e masime.
 Dios chiichechi'a cho'osinaa'me chukuna. Dios
 ñaku'te musanukonare Repau'te cuasanare
 re'oja'chechi'a cho'okaisinaa'me chukuna.
 11-12 Ũcuachi'a musanukonapi re'oja'che pa'iju
 pojoju paapu chini mũa'kupãija'ñe oiju
 pe'keru chu'vaju che'chosinaa'me chukuna
 musanukonare, re'oja'che pa'ijuna Diopi
 ña musanukonani pojoa'ku chini. Dios
 musanukonare re'oja'che pa'iju, Repau

pa'ichejare sani pa'ijũ Ũcuauña'me chũ'ujũ paarũ chini chẽasi'kũa'mũ.

13 Dios chũkũna'te, "Chũ'vajaikajũ'ũ'u ie chũ'o", chiisi'e chũkũnapi sani Repau chũ'ore chũ'vajũna mũsanũkonapi asa jachama'ñe pojojũ, "Ie chũ'o pãipi cuasajũ i'kachema'mũ; Dios chũ'orepaa'me ie", chini cuasajũna, pojojũ Diore cuhama'ñe, "Re'orepamũ, Ja'kũ", chiinaa'me chũkũna. Repau Dios mũsanũkonare Jesucristoni cuasajũ jovo Ũcuau chũ'o che'chenare pa'iche re'oja'che care'vakaiũ pa'imũ cu'ache cho'oche'te jo'kaso re'oja'chere cho'ojũ paarũ chini.

14 Mũsanũkonapi Dios chũ'ore asa chẽa Jesucristoni cuasajũ re'oja'che pa'ijũna chekũna mũsanũkona pa'icheja cana cu'ache cho'osinaa'me mũsanũkonare, Judea cheja cana, judiõpãi, aperũmũ Jesucristo'te cuasakuanupũ'te cu'ache cho'osi'ejache. 15-16 Judiõpãi ũcuauũko Jesucristo'te cuhejũ Repau'te cuasanare ũcuachi'a cuheme. Dios chũ'o kũasinare apereparũmũ ũcuauapi vanisoasome. Maire Paaku'te Jesucristo'te ũcuachi'a vanisosinaa'me repana. Ũcuachi'a chekũna judiõpãi mũsanũkona pa'ijooopo cana Dios chũ'o chũ'vache'te ũsejũ repajoopoji eto saosinaa'me chũkũna'te. Repana judiõpãi ũcuauũkore pãi cuhejũ, "Judio peonapi asa chẽa re'oja'che pa'ijũ", chini si'arũmũ Dios chũ'o kũache ũseme. Jã'aja'ñe cho'ojũ si'ache cu'ache cho'ojũna pe'rukũ, "Repana cu'ache cho'osi'e ro'i chũ'upi tũnokaima'ñe ũcuau cuasakũna peore

ro'ijanaa'me repana", chiimɔ Dios repanare.

Pablo repanare jo'e sani ñara chiiche'te kɔamɔ

¹⁷ Chɔ'ɔ majapãijana, chɔkɔna eto saocojñosirumɔ mɔsanɔkonani jo'e ñaɔakɔna si'arumɔ cuasajɔ rɔa oijɔ pa'isinaa'me chɔkɔna. Ñaɔakɔna oijɔ jmamakarɔ pani jo'e si'ache cho'osinaa'me chɔkɔna, mɔsanɔkonani sani ñañu chini. Jã'ata'ni saicu'akɔna saima'ñe pa'ime chɔkɔna, saineenata'ni. ¹⁸ Chɔ'ɔ Pablo, rɔa jeerumɔ sasa chini cho'okɔ pa'isi'kɔa'mɔ. Ruarepañoã chɔ'ɔ saipi'rarumɔchi'a vati ai si'arumɔ saiũsesi'kɔa'mɔ chɔ'ure.

¹⁹⁻²⁰ Rɔa pojome chɔkɔna mɔsanɔkonare. Chɔkɔna che'choche Dios chɔ'ore mɔsanɔkonapi jachama'ñe asa chẽa Maire Paakɔni Jesucristoni cuasajɔna, Repaɔ jo'e cajesirumɔ chɔkɔna'te, chɔ'vasinare rɔa pojoja'mɔ. Reparumɔre cuasajɔ pojojɔ cha'ame chɔkɔna. Repaɔ'te tijña mɔsanɔkona Dios chɔ'o asa chẽasi'e pojojɔ pe-ore kɔajanaa'me chɔkɔna.

3

¹⁻² Mɔsanɔkonani oijɔ sani ñañu chiisinata'ni, saicu'akɔna saima'ñe pa'ijɔ cha'ajɔ ca'naso mɔsanɔkona pa'iche'te masiñu chini, mai majapãijaja'iɔni Timoteoni saosinaa'me chɔkɔna. Repaɔ'te Timoteo'te ija'che i'kasi'kɔa'mɔ chɔ'ɔ: "Chɔ'ɔ ichejare Atenas vɔ'ejoopo'te Silana'me pa'iɔ cha'ara; mɔ'ɔpi te'eɔ ñajaijũ'ɔ", chi-isi'kɔa'mɔ chɔ'ɔ. Chini, repaɔ'te Dios chɔ'ore ja'me chɔ'vakaiɔ Diore cho'oche cho'okaiku'te mɔsanɔkonani che'choa'kɔ chini saosi'kɔa'mɔ

chũ'u, ũcuauji che'choũna Jesucristoni pojojũ na'a rũa cuasajũ paapũ chini.

³⁻⁴ Mũsanũkonare cuasakũ, "Pãire cu'ache cho'ocojũojũ Jesucristo'te cuasache'te jo'kasojũ", chini jã'aja'ñe cuasa Timoteoni saosi'kũa'mũ chũ'u mũsanũkonare ũcuauji che'choũna jo'kasoma'ñe ũcua cuasajũ paapũ chini. Aperũmũ chũkũna ja'me pa'irũmũ, "Pãi maire cu'ache cho'ojanaa'me", chiijũ kũasinaa'me mũsanũkonare, masia'jũ chini. Jã'aja'ñe pa'imũ Dios chũ'o asa chẽa Jesucristo'te cuasanare. Chũkũna aperũmũ kũajũ, "Pãi Diore cuhena cu'ache cho'ojanaa'me maire", chiisi'e cho'ocojũnocuhajũ masime mũsanũkona. ⁵ Jã'ajekũna chũ'ũni cha'auamaũna Timoteoni saosi'kũa'mũ chũ'u, mũsanũkona pa'iche'te ñajani ra chũ'ũni kũaũna asa masira chini, "Chũkũna cho'okatena Jesucristoni cuasajũ, ¿repana re'oja'che pa'iche vatipi ũsekũna jo'kasocuhare?", chini cuasakũ.

⁶ Chura repaũ Timoteo mũsanũkona pa'icheja ñajani ranicuhasi'kũa'mũ. Chũ'o rũa re'oja'chere mũsanũkona pa'iche ra, ija'che kũasi'kũa'mũ repaũ chũ'ũre: "Re'oja'che pa'ijũ chuta'a Diore rũa cuasajũ chekũnare pãi oijũ re'oja'che cho'okaijũ pa'ime repana. Ũcuachi'a mai repanare ja'me pa'isi'e chuta'a cuasajũ pojojũ mai repanare ñaũũ chiicheja'che maire ũcuaja'che ñaũũ chiime repana", chiijũ kũasi'kũa'mũ repaũ chũkũna'te. ⁷ Jã'aja'ñe kũaũna asa pãi chũkũna'te cu'ache cho'ochejẽ'e cuasama'ñe jã'achi'a cuasajũ oijũ pa'isina mũsanũkona re'oja'che pa'ijũ Diore

cuasaju pa'iche'te asa rúa pojome chukuna. ⁸ Músanukona Jesucristo'te jo'kasoma'ñe cuasaju pa'iche asa vajúsinaa'me chukuna. ⁹ Diopi cho'okaiuna músanukona pa'iche'te cuasani rúa pojojú Dioni, "Re'orepamú, Ja'kú", chiijú pa'ime chukuna. ¹⁰ Diopi chukunani músanukona pa'ichejana saoa'kú chini Repauni sêejú, umucujñana'me ñami sêekaijú pa'ime chukuna músanukonare, Repaúji saouna músanukonani ñaju ja'me pa'ijú Repaú chü'ore chuta'a músanukonare karache'te na'a rúa che'chorena re'oja'che pa'iche'te peore masia'jú chini.

¹¹ Churata'ni mai Ja'kú Dios Maire Paakú Jesuna'me chukuna'te músanukona pa'ichejana saoa'kú. ¹² Ūcuachi'a músanukona sãíñechi'a cuasaju chukuna músanukonare oicheja'che pái ūcuaukore si'arumú na'a rúa oijú paapu chini, Diore sêekaimé chukuna músanukonare.

¹³ Ūcuachi'a Diopi cho'okaiuna re'oja'che pa'imasijú Repaú chiichechi'a cho'ojú, músanukonapi rekoñoã cu'achejê'e peorekoñoã paajuna Jesús, Maire Paakú, Repaú neena re'onana'me peore jo'e cajesirumú músanukonare ña pojokú, Puka'kure Diore, "Ja'kú, cu'ache cho'osi'e ro'iche peomú inare", chiaú chini Diore sêekaimé chukuna. Já'aja'ñe paau.

4

Diopi pojoa'kú chini re'oja'che pa'iche'te kumatú

¹ Asarepajũ'u, chü'u majapãijana. Chukuna músanukona pa'icheja pa'irumú Maire

Paakũ Jesucristo chũ'usi'e che'chosinaa'me, m̄sanũkonapi na'a re'oja'che pa'imasijũ Dios chiichechi'a cho'ojũ paapũ chini. Chura m̄sanũkona re'oja'che cho'ojũ pa'iche jo'kasoma'ñe na'a r̄a re'oja'che cho'ojũ pa'ijũ'ũ. ² Chũkũna m̄sanũkonare aperũmũ chũ'vajũ kũasi'e chũ'o masime, Maire Paakũ Jesucristo chũ'ũ jo'kasi'e.

³ Asarepajũ'ũ. Ija'che pa'iche'te chiimũ Dios: Repaũ neena pa'ijũ cu'ache cho'oma'ñe re'oja'chechi'a pa'ijũ Repaũ pojochechi'a cho'okaijũ pa'iche'te chiimũ. Ʋmũpãĩ m̄rũjoromichi'a paajũ chekũnare romineema'ñe pa'ijũ'ũ. Ʋcuaja'che romi m̄ũjũpãĩchi'a pa'ijũ'ũ. Chekũnare chiima'ñe pa'ijũ'ũ. ⁴ Ʋmũpãĩ m̄sanũkona veja paanare romi, pa'irepache pa'ijũ re'oja'che paajũ m̄rũjoromi ña kũkũjũ vaima'ñe paajũ re'oja'che kuirajũ pa'ijũ'ũ. ⁵ Romineema'ñe pa'ijũ, Diore cuasamana cho'ocheja'che cu'ache cho'oneema'ñe pa'ijũ'ũ. ⁶ Jã'aja'ñe cho'oma'ñe pa'ijũ te'eu'terejẽ'e cu'ache cho'ojũ cacũ'oma'ñe pa'ijũ'ũ. Chekũ paako'te cu'a cho'omanejũ'ũ. Ʋcuachi'a tua paamanejũ'ũ repao'te. Mai cho'oche peore Ñakũjekũ Maire Paakũ Dios mai cu'ache cho'oche ro'i peore ro'iche chũ'ũkũ'mũ. Jã'a aperũmũ kũasinaa'me chũkũna m̄sanũkonare.

⁷ Dios maire cu'ache cho'ojũ paapũ chini chẽamanesi'kũa'mũ. Re'oja'che pa'ijũ Repaũ chiiche'te cho'ojũ paapũ chini chẽa paamũ Dios maire. ⁸ Jã'aja'ñejekũna pãĩpi chũkũna

che'chochũ'ore asacuhejũ jachani rupũ pãire jachama'me. Dios chũ'ore jachame repaña. Mũsanũkonare Repañ'te cuasanareta'ni Repañ Rekocho'te ĩsimũ Dios, ja'me paañ chini.

⁹ Chekũnare pãĩ sãĩñechi'a oijũ pa'icheta'ni jo'e kuajũ tochache chiima'mũ chũkũna'te. Ũcuare mũsanũkonani Diopi pãĩ chekũnare ña oiche'te che'chokũna pãĩ chekũnare ña oime mũsanũkona. ¹⁰ Jã'aja'ñe pa'ijũ mũsanũkona pa'icheja Macedonia pa'inare Diore cuasanare ũcuaukore oijũ pa'inaa'me mũsanũkona. Jã'ata'ni mũsanũkonapi jã'aja'ñe cho'oche'te jo'kama'ñe si'arũmũ na'a rũa oijũ re'oja'che cho'okaijũ paapũ chini chũ'vame chũkũna.

¹¹⁻¹² Chekũnare ke'rema'ñe re'oja'che cho'okaijũ pa'ijũ'ũ. Cavama'ñe pa'ijũ'ũ. Chekũnare pe'kerũ che'chojũ pa'ijũ'ũ. Ũcuaja'che ñamema'ñe, cho'oche cho'oju pa'ijũ'ũ. Jã'aja'ñe cho'oni chekũna nee ãũ si'areparũmũ ãnisokaima'ñe paũ chiijanaa'me mũsanũkona. Apeparũmũ chũkũna mũsanũkonare peore jã'a chũ'ũjũ che'chosinaa'me. Mũsanũkonapi jã'aja'ñe re'oja'chechi'a pa'ijũ cu'ache cho'oma'ñe pa'ito, chekũna pãĩ Diore cuasamana re'oja'che cutujũ, "Ina Diore cuasana rũa re'onaa'me", chiijanaa'me mũsanũkonare.

Maire Paakũ Jesucristo jo'e raijachere kũamũ

¹³ Asarepajũ'ũ, chũ'ũ majapãijana. Chura jũnisosina cho'ocojũñañere kuajũ tochapĩrame chũkũna, mũsanũkonapi masia'jũ chini. Diore cuasanapi jũnisosinare Repañ pa'ichejare sani

pa'ijuna rua re'omu. Repau'te cuasamanata'ni Dios pa'icheja pa'iche'te vesujũ repaña majapãi jũnisoru, ota ruarepa oinaa'me, "Jo'e ñamanejanaa'me mai", chini cuasajũ. Repaña cho'ocheja'che cho'omanejũ'u musanukona. ¹⁴ Mai Jesucristo jũniso tãcojño vajuraisi'kũre cuasanajejũ Repau'te cuasajũ jũnisosiva'na jo'e vajurajache masime.

¹⁵ Jã'aja'ñejekũna musanukonare ie chũ'o Maire Paakũji chũ'ukũna kuame chũkũna: Repau Jesucristo jo'e cajerũmu mai chuta'a vajujũ cheja pa'ina jũnisosiva'nare jo'ka charo munisomanejanaa'me, vajurũmu Jesucristo'te cuasasinare. ¹⁶ Reparũmu Maire Paakũ Jesucristo ujachũ'opi chũ'ukũ cajeja'mũ. Chekũ, ángeles chũ'ukũ, ũcuaja'che ujachũ'opi soija'mũ. Dios neevũ trompetavũ juhiche asoja'mũ. Jã'a juhítõna Jesucristo'te cuasajũ jũnisosina mamaca'nivũã carũni charo vajurani muijanaa'me. ¹⁷ Repaña vajuraisirũmu maipi reparũmu chuta'a vajũna pani, ũcuanaana'me piko pa'ichejana cũnaũmũna muijanaa'me, Maire Paakũni Jesucristoni tijñaũ chini. Jã'aja'ñe cho'o ũcuauko Repau pa'ichejare ai sani pa'ijũ ũcuaua'me si'arũmu pa'ijanaa'me, Repau'te cuasanachi'a. ¹⁸ Jã'a chũ'o chũkũna kuajũ tochasi'e chekũnare kuajũ'u asa pojojũ samava'na pa'imanea'jũ chini.

5

¹⁻² Chũ'u majapãijana, Maire Paakũ Jesucristo jo'e cajejacheta'ni chũ'upi kuakũ tochache chiima'me musanukona; maire

kuamanesi'kua'mu Repau. Jã'a ũcuare masime musanukona. Repau raijaumucuse Repau'te pãi cha'amarumuna t'aja'mu. Ija'che pa'ija'mu: Pãi, ñaauni pẽ'jeju raimauna cha'ate'e repauna pẽ'jemaumucusena ñaaũ raicheja'che Jesucristoji rakuna ña jñanojanaa'me, pẽ'jema'ñe pa'iju. Chukuna'te, “¿Keekerumu raija'u Repau?”, chijju sēniasamanaa'me musanukona, ũcuare masiju. ³ Pãi Diore cuasamana, “Re'omu maire; cu'ache ti'jñeñe peomu”, chijju pojojũ pa'itona, teana te'erumu Repauji rakuna ũcuanukore rua cu'ache pa'ija'mu repanare, Repau'te cha'ama'ñe pa'inare. Ija'che pa'ija'mu repanare: Romi, chĩ su'inare, repanajẽ'e vesumucusena chĩre jñaarumu rua asicheji t'amũ. Jesucristo raijache cha'amanare pãi ũcuachi'a repanajẽ'e vesurumuna rua cu'acheji katichejẽ'e peoche ti'jñeja'mu repanare pãi.

⁴ Chu'u majapãijana, musanukonata'ni Repau'te cuasanajeju chijachejaja'che pa'ima'ñe Repau raijache cha'aju pa'inaa'me. Repau'te cha'anajeju raito ña jñanomanejanaa'me musanukona.

⁵ Mai ũcuanuko Jesucristo'te cuasanajeju miañeja'ñe re'oja'che pa'imasinajeju Repau'te cuasamana chijachejaja'che cu'ache pa'imanaa'me.

⁶ Jã'ajekuna chekuna kãnisosinaja'ñe cu'ache pa'iju Repau'te cha'ama'ñe pa'icheja'che, pa'ima'ñe kãimanaja'ñe re'oja'che pa'iju cu'ache cho'oma'ñe Repau raijachere cha'aju Repauji ratu ña jñanomaneñu mai.

⁷ Ũcuachi'a Repau'te cuasamana chija'ina

kānisosinaja'ñe pa'ijũ re'oja'che pa'ivesũjũ cu'ache cho'ocheja'che cho'oma'ñe pañũ mai. Ũcuachi'a Repaũ'te cuasamana ñamina cono jũ'iñena pa'ijũ re'oja'che cho'ovesũjũ cu'achechi'a cho'omasicheja'che cho'omanañũ.

⁸ Maita'ni Repaũ'te cuasanajejũ si'arũmũ re'oja'che pa'ijũ pañũ; Repaũ neenaame mai. Repaũ'te rũa chiinajejũ jachama'me mai. Ũcuachi'a chekũnare pãĩ oijũ re'oja'che cho'okaijũ pañũ. Jesucristo jo'e caje maire sajachere pojojũ cha'ajũ pañũ. Ũcuachi'a Repaũni jovo ai sani pa'ijachere cuasajũ cha'ajũ pañũ. Jã'aja'ñe cuasajũ pa'ito vati, "Jesucristo'te cuasache jo'kasojũ'ũ", chinite'ejamũ maire, Diopi ãsekũna.

⁹ Dios maire vati toana saora chini chẽasi'kũma'mũ. Jesucristoni cuasajũ vati toa saima'ñe Repaũ pa'ichejare ai sani paapũ chini chẽa paamũ Repaũ maire. Cu'acheja saiche peoja'mũ maire, ũcuare Jesucristo jũni ro'ikaisi'ejekũna. ¹⁰ Jesucristo maipi Repaũna'me paapũ chini jũni ro'ikaisi'kũa'mũ. Jã'ajekũna Repaũ jo'e cajerũmũ chuta'a vajũna pani, reparũmũ jũnisosina panijẽ'e ja'me pa'ijanaa'me mai Repaũ'te. ¹¹ Jã'ajekũna mũsanũkona sãĩñechi'a oijũ re'oja'che cho'okaijũ pa'iche jo'kasoma'ñe na'a rũa cho'oju pa'ijũ'ũ, ũcuanuũko si'arũmũ na'a rũa re'oja'che pañũ chini.

Pablo Jesure cuasanare chũ'vachũ'ore kũamũ

¹²⁻¹³ Asarepajũ'ũ chũ'ũ majarpãijana. Mũsanũkonare Dios chũ'o chũ'vajũ chũ'ũnare

ña kukujũ pa'ijũ'u. Repanapi re'oja'che chũ'uto jachama'ñe cho'ojũ'u. Ke'rema'ñe pojojũ cuasajũ pa'ijũ'u repanare; rũa re'oja'chere cho'okaime repaña musanukonare. Ũcuanũko cavama'ñe re'oja'che ja'me pa'ijũ'u. ¹⁴ Ũcuachi'a ija'che cho'ojũ'u chiime chũkũna musanukonare: Ñamenare, “Ñamemairo pa'ijũ'u”, chiijũ'u. Vajũchũnare, “Vajũchũma'ñe pa'ijũ'u; kokarekoñoã paajũ'u”, chiijũ'u repanare. Chekũnare chuta'a Jesucristo chũ'uñe masi cho'ovesũnare pe'ruma'ñe pe'kerũ re'oja'che chũ'vajũ pa'ijũ'u repanare. Ũcuanũkore pe'kerũ i'kajũ che'chojũ pa'ijũ'u. ¹⁵ Ũcuachi'a cuasarepajũ pa'ijũ musanukonare cu'ache cho'onare sã'iñe cu'ache cho'oma'ñe pa'ijũ'u. Si'arũmũ re'oja'chechi'a cho'ojũ Diore cuasanare cho'okaijũ, ũcuachi'a Diore cuasamanare cho'okaijũ pa'ijũ'u. ¹⁶ Si'arũmũ pojojũ pa'ijũ'u. ¹⁷ Repau'te si'arũmũ sũejũ pa'ijũ'u cho'okaau chini. ¹⁸ Si'arũmũ Diore pojojũ, musanukonare ũcuauache ti'jũneto, “Re'orepamũ, Ja'ku”, chiijũ pa'ijũ'u. Jã'aja'ñe i'kajũ pa'iche'te chiimũ Dios maire, Jesucristo'te cuasanare.

¹⁹ Dios musanukonare Repau Rekocho'te ïsisi'kũa'mũ Ũcuarekochoji re'oja'chere che'choa'kũ chini. Reparekocho che'choche cuhemanejũ'u musanukona.

²⁰⁻²² Ũcuachi'a chekũnare Dios chũ'ore chũ'vañũ chini rainare cuhema'ñe repaña chũ'vachũ'o asajũ'u. Repanapi chũ'o ũcuarepare chũ'vato asa chẽa repaña chũ'vajũ chũ'uñe jachama'ñe cho'ojũ pa'ijũ'u. Jã'ata'ni repanapi

vati chu'ore jorechu'ore chu'vato asacuheju jachaju che'chemanejũ'u repaña che'choche. Mũsanũkona cu'ache cho'ochẽ peore jo'kaso jmamakarũjẽ'e cu'ache cho'oma'ñe pa'ijũ'u.

²³⁻²⁴ Diopi maire re'oja'che pa'iche Īsikũji cho'okaiũna mũsanũkona re'oja'chechi'a paapu chini s̃ekaimẽ chũkũna. Mũsanũkonare ch̃ea Paakũjekũ, Dios mũsanũkonare cho'okaiũmũ peochẽ Īkama'kũjekũ. Ūcuauji cho'okaiũna Jesucristo jo'e cajerũmũjatũ'ka re'oja'chechi'a pa'iju mũsanũkona rekoñoã cu'achejẽ'e peorekoñoã paaju cha'ajũ'u. Mũsanũkonari jã'aja'ñe pa'ijũna Maire Paakũ Jesucristo reparũmũ, "Ro'iche peomũ inare", chiiũ kuaja'mũ Pũka'kũre Diore.

Cuhacho chu'o saosi'ea'me

²⁵ Mũsanũkona ũcuaja'che Diore s̃ekaijũ'u chũkũna'te. ²⁶ Repau'te cuasanare ũcuaukore repacheja pa'inare ch̃ese pojoju, chu'o sa kuakaijũ'u chũkũna'te. ²⁷ Maire Paakũji chũ'ũkũna chu'u tochasi'e ie chu'o peore ñaju i'kakaijũ'u, Repau'te cuasanare ũcuaukore. ²⁸ Maire Paakũ Jesucristoji mũsanũkonare re'oja'che cho'okaũ.

Pablo

Dios Chu'o Kuaphuro
Koreguaje: Dios Chu'o Kuaphuro New Testament
copyright © 2009 Wycliffe Bible Translators, Inc.

Language: Koreguaje

Contributor: Wycliffe Bible Translators, Inc.

All rights reserved.

2020-11-18

PDF generated using Haiola and XeLaTeX on 21 Feb 2024 from source
files dated 29 Jan 2022
87a345ac-83c6-51ad-8750-17a703f38bcc